



14. april 2015

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut § 37 naapertorlugit apeqqutinut aningaasartuutit:

1. Naalakkersuisut takussutissaqartinnerlugu 2015-mi § 37 naapertorlugu Inatsisartuni ilaasortat apeqqutaannut allaffisornermi aningaasatigullu ulloq manna tikillugu qanoq aningaasartuutit amerlatigisut atorneqarsimanersut?

2. Naalakkersuisut akissuteqarnerminnut ilanngullugu eqqarsaatigisinnaanerlugu apeqquteqartumut tamanullu nalunaarutigissallugu apeqqutit pineqartut akerannut Namminersorlutik Oqartussat qanoq aningaasartuuteqartarnersut?

(Inatsisartunut ilaasortaq Michael Rosing, Demokraatit)

Tunngavilersuut:

Ulloq 9. april nalliuottorsiorfiuvoq mikisunnguaq: Ulloq taanna § 37 naapertorlugu apeqqutit 100-rujussaat Naalakkersuisunut nassiunneqarpoq. Ukioq manna apeqqutit siullit 100-t partiikkaarlugit imatut agguagaapput:

IA: 52

Partii Naleraq: 32

Siumut: 12

Demokraatit: 2

Atassut: 2

§ 37 naapertorlugu apeqqutit Inatsisartuni ilaasortat sakkussaraat paasissutissanik piniarnerminni aamma naliginnaavoq, illuatungiliuttut partiivi amerlanerusunik apeqquteqartarnerat. Taamaattumik apeqqutit amerlassusaat imaluunniit agguagaanerat ippinnartortaqanngilaq.

Taamaakkaluartorli ilaanneeriarlunga amingaatigisarpara ilaasortat ataasiakkaat imminnuit



aperisarnissaat: Nammineerlunga apeqqummi tassani akissutissaq ujarsimasinnaanngikkaluarpara?
Imaluunniit apeqqutigisannut akissut politikkikkut sulininni sumut atorsinnaavara?

Ilaannikkut allaanngilaq politikerit ataasiakkaat apeqquteqartartut taamaallaat tusagassiorfinni taaneqalaarnissartik piinnarlugu imaluunniit politikerip qinersisiminut takutinniassammagu, sulilersimalluni.

Tassani Demokraatini isumaqarpugut, pissusissamisuussagaluartoq Naalakkersuisut akissuteqarangaamik naggataatigut ilaannguttalertuuppassuk apeqqutip akiniarneranut qanoq aningaasartuuteqartoqartarnersoq (ningaasat allaffisornerlu eqqarsaatigalugit), taamaasilluni ersarinnerulissagaluarpoq demokrateeqarneq qannoq akeqarnersoq.

Apeqquuit akeqquneqarput ullut suliffiit naliginnaasut qulit iluanni.